



Cirillus & Methodius fratres in sacris literis eruditi, atq; magna pietate & industria præditi fuerunt. Itaq; pio zelo commoti ad Vandalos & Moravios profecti sunt, ut extirpata gentilium superstitione ueram religionem plantarent. Cum ergo negotium procederet, atq; multi ab ijs instituti baptismum susciperent, in Morauia Vielagradi Ecclesiam cōstituerunt, ut populus ibidem conueniens in uera pietate erudiretur. Cum aut̄ in ijs partibus non omnes una lingua uterent̄, atq; Latina ipsis esset incognita, res diuinas lingua Slauonica etiam proposuerunt. Id cum pontifex intellexisset, Cirillum Romam uocauit, & causam ex eo quæsi-

uit, cur alia q̄ Latina lingua res sacras proponerent. huic responderūt: sese id meritō facere: scriptum enim esse: Omnes sp̄ritus laudēt Dominū Deum, & omnis lingua confiteat̄ ei. Eo responso accepto pontifex cōquieuit. Sic factū est, ut Marchionatus Romani Imperij Morauia Cirilli opera Christianam religionem suscepit, & conseruarit. Aen. Syl. in Hist. Bohem. cap. 13.